



FYLKESMANNEN I ROGALAND UTDANNINGSAVDELINGA

TILSYN MED BJERKREIM KOMMUNE

TIDSPUNKT: Hausten 2008 **Vår ref:** 08/8922

KOMMUNEN SI
ADRESSE: Bjerkreim kommune, P.b. 17, 4389 Vikeså

KOMMUNENR: 1114

TILSYNSGRUPPE: Liv Svendal og Hanne Sørli Ronæss

KONTAKTPERSON
I KOMMUNEN: Barnehagekonsulent Bjarne Tengesdal

Heimel for tilsynet:

Barnehagelova § 9 andre ledd.

Tema for tilsynet:

Tilsynet skal kontrollere korleis kommunen følgjer krav til saksbehandling i ”Forskrift om midlertidig og varig dispensasjon og unntak frå utdanningskravet for styrer og pedagogisk leder” §§ 1 og 2, jf. barnehagelova §§ 17 og 18.

Fylkesmannen avdekte følgjande under tilsynet:

Avvik :

Bjerkreim kommune har i saksbehandlinga si sett til side forskrifa sitt vilkår om offentleg utlysing.

Merknad:

Bjerkreim kommune har gitt dispensasjon for eit heilt år i eitt tilfelle der det, av omsyn til rekruttering av førskolelærarar, kunne vore aktuelt å avgrense dispensasjonen fram til nytt barnehageår.

Stavanger, 09.03.09

Hanne Sørli Ronæss
rådgivar

Liv Svendal
seniorrådgivar

Innhald:

1. Innleiing
2. Dokumentgrunnlag
3. Gjennomføring
4. Avvik
5. Merknader
6. Oppfølging

1. Innleiing

Rapporten er utarbeidd etter brevtilsyn i 13 kommunar i Rogaland.

Det blei ført tilsyn med:

- Barnehagelova §§ 17 og 18, jf. forskrift om mellombels og varig dispensasjon og unntak frå utdanningskravet for styrar og pedagogisk leiar §§ 1 og 2.

Formålet med tilsynet var å kontrollere om kommunane har rutinar og praksis som er i samsvar med vilkåra i forskriftena ved søknader om mellombels og varig dispensasjon frå utdanningskrav.

Tilsynet inngår som ein del av tilsynsverksemda hos Fylkesmannen og er heimla i barnehagelova § 9 andre ledd.

Tilsynsmetode

Fylkesmannen gjennomfører tilsyn med kommunane etter ulike metodar. Tilsynet blei denne gongen gjennomført ved spørjeskjema til kommunane, der vi bad om svar på konkrete spørsmål knytte til behandlinga av dispensasjonssøknader.

Desse spørsmåla blei stilte:

1. Korleis sikrar kommunen at vilkåra i lov og forskrift er oppfylte ved midlertidige og varige dispensasjonar? Beskriv kommunen sine rutinar for behandling av søknader om dispensasjon. Dersom rutinane er skriftleggjorde, ber vi om kopi.
2. Dokumenter eksempel på saksutgreiing og vedtak om dispensasjon (ev. avslag). Vi ber om at kommunen oversender kopi av 4 vedtak frå barnehageåret 2007-2008.

Eventuelle funn ved tilsynet blir formulerte som avvik og/eller merknader.

- **AVVIK** blir definert som mangel på oppfylling av krav fastsett i eller i medhald av lov eller forskrift.
- **MERKNAD** gjeld tilhøve som ikke blir omfatta av definisjonen for avvik, men som Fylkesmannen meiner det er nødvendig å påpeike slik at kommunen kan betre forholda.

2. Dokumentgrunnlag

Følgjande dokument er lagde til grunn:

- Barnehagelova av 17.06.2005
- Forskrift om mellombels og varig dispensasjon og unntak frå utdanningskravet for styrar og pedagogisk leiar
- Ot. prp. 72 (2004-2005)
- Rundskriv F-08/2006
- Brev frå Fylkesmannen til kommunane 02.10.2008
- Svar frå kommunane på brev av 02.10.2008

3. Gjennomføring

Tilsynet omfatta følgjande aktivitetar:

Varsel om brevtilsyn: 02.10.2008
 Uttdjupande svar frå kommunane: Haust 2008
 Sakshandsaming hos fylkesmannen: Des.2008 - feb.2009

4. Avvik

Avvik :

Bjerkreim kommune har i saksbehandlinga si sett til side forskrifta sitt vilkår om offentleg utlysing.

Avvik frå: Barnehagelova § 18, jf. forskrift om mellombels og varig dispensasjon § 1.

Lovkommentar:

Kommunen kan, etter søknad frå barnehageeigar, innvilge mellombels dispensasjon frå utdanningskravet for styrar og pedagogisk leiar for inntil eitt år om gongen, etter at stillinga har vore offentleg utlyst og det ikke har meldt seg kvalifisert søker. Alle dispensasjoner som blir gitt, skal vere knytte til den personen det blir søkt dispensasjon for og til ei konkret stilling i ein konkret barnehage. Når den reelle kompetansen hos den det er søkt for er vurdert, kan kommunen stille vilkår ved dispensasjonen.

Kommunen må utvise skjønn i vurderinga av barnehageeigar sin innsats for å skaffe kvalifisert personale. Det kan for eksempel vere aktuelt å vurdere utlysningstekst, om utlysinga er offentleg tilgjengeleg, tidspunkt for utlysninga og søkerfrist for stillingane.

Avviket er basert på følgjande observasjon:

Bjerkreim kommune har gitt dispensasjon frå utdanningskravet i eitt tilfelle der den aktuelle stillinga ikkje hadde vore utlyst offentleg. Vedtaket viser berre til at marknaden for førskolelærarar for tida er stramt, og at kommunen nyleg har lyst ut andre førskolelærarstillingar.

5. Merknader

Bjerkreim kommune har gitt dispensasjon for eit heilt år i eit tilfelle der det, av omsyn til rekruttering av førskolelærarar, kunne vore aktuelt å avgrense dispensasjonen fram til nytt barnehageår.

6. Oppfølging

Fylkesmannen ber om tilbakemelding frå Bjerkreim kommune om korleis avviket i rapporten er følgt opp innan 15.mai 2009.